



Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten

...

namentlich in Beziehung auf Anhalt, Bayern, Böhmen, ... und andere
Länder ; [Urkunden-Sammlung für die Geschichte der auswärtigen
Verhältnisse]

Riedel, Adolph Friedrich

Berlin, 1848

1916. Die Aebtissin Hedwig von Quedlinburg beleihet den Kurfürsten
Albrecht mit Lindow und Möckern, am 19. April 1472.

Nutzungsbedingungen

[urn:nbn:de:hbz:466:1-56633](https://nbn-resolving.org/urn:nbn:de:hbz:466:1-56633)

1915. Zweiter Aufschub der Vermählung des Markgrafen Johann bis in das Jahr 1474, festgesetzt am 13. April 1472.

Von gots gnaden, Wir Albrecht, Marggraue zu Brandenburg, des h. R. R. Ertzkamerer vnd kurfurte, zu Stetin etc. — vnd Wilhelm, herzog zu Sachsen, landgraue in doringen etc. — Nachdem vormals durch vns beyde das elich bylegen des — hern Johannsen, Marggrauen zu Brandenburg, vnfers Marggrauen Albrechts lieben Sones, vnd der Jungfrawen Margarethen, — vnfers herzogen Wilhelms lieben tochter, bis vñ Sontag Ecto michi in dem drie vnd sibenzigsten Jare erstreckt vnde erlenget ist; — Bekenne wir — das wir dasselbe — elich beylegen vñ redelichen Vrsachen vnd dazu bewegen abermals furder erstreckt vnd erlengert haben, also das das vñ Sontag, Ectomichi der mynner zcal in vier vnd sibenzigsten Jare neftkuntig mit gots hulffe volzogen werden, Allpalde auch bezalunge des heyratgutes, verzick, widderlegung, morgingabe vnd verwielunge — gescheen sal. — Gebin zu Czerwest — vierzehenhundert vnd in zweyvñd sibenzigsten Jaren, vñ Montag nach Misericordia domini.

Nach dem Original des H. Geh. Kab. Archives.

1916. Die Abtissin Hedwig von Quedlingburg beleihet den Kurfürsten Albrecht mit Lindow und Möckern, am 19. April 1472.

Wir Hedewig, von gottes gnaden geborne Herczogynn zu Sachsen vnd Eptischynn des werntlichen Stiffts zu Quedelingsburg, Bekennen offenbar in diesem briue vor allen den, die yn sehen oder horen lesen, das wir dem hochgeborn fursten, heren Albrechten, marggrauen zu Brandenburg, des heiligen Romischen Reichs Ertzkamerer vnd kurfurte, zu Stetin, pomern, der Cassuben vnd wendten Herczoge, Burggraue zu Nuremberg vnd furst zu Rugen, vnserm lieben hern vnd Oheimen gelihen haben vnd beleihen mit Crafft diez briues zu einem rechten Erblichen manlehen die Graffschafft zu Lyndaw vnd die Herschafft zu mockern mit allem nutz vnd zubeorunge vnd auch mit allen gutern, dy seine eldern vnd vorfaren, Marggrauen von Brandenburg von vnser vorfaren vnd vnserm Stifft gehabt haben vnd nhu von vns haben sol. Dizzer vorgeschrieben guther beyde gnant vnd vngenant wollen wir dem egemelten Heren Albrechten, Marggraue zw Brandenburg, vnserm lieben Heren vnd Oheimen bekenig vnd gewhere sein, wor vnde wenn vns das zu rechte geburet, bewhern vnd bezugen das mit vnser Eptye grosen insigel, das willentlichen haben hengen lassen An disen vnsern oßen brieff, Nach cristij geburt vnser lieben heren vierzehenhundert darnach in dem zwey vnd Sibenzigsten jare, Am Sontage jubilate genant.

Nach dem Kurlm. Lehnscopialbuche III, 233.